



4. september 2025

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

Naalakkersuisunut apeqqutit:

- 1. Sooq Naalakkersuisut maannamut inatsisini allannguutaasinnaasut imaluunniit naleqqussaanerit, nunaqarfinni biilertartunut allagartaqanngitsumik ATV-mik angalanissamut periarfissiisinnaasut, saqqummiussimannngilaat, naak suliaq 2017-mili uteqqiasumik qaqinneqartaraluartoq, aamma Naalakkersuisut nikerartut iliuuseqassallutik neriorsuisarsimagaluartut?**
- 2. Qanoq Naalakkersuisut nassuiarsinnaavaat, sulii ataatsimiititaliani suliaqarnermut aammalu oqaloqatigiinnernut innersuussisoqartuaannartoq, nunaqarfinnilu ATV-t pinngitsoorani atortariaqarneri piugaluartoq aamma tigussaasumik aaqqiissuteqartoqarnissaa utaqqineqaraluartoq, tamarmik innuttaasunut ullut tamaasa kiffartuussinissamik qulakkeerinninnissamik pisariaqartitsisut?**
- 3. Qaqugu Inatsisartut aamma innuttaasut naatsorsuutigissavaat, Naalakkersuisut kiisami siunnersuutiniq tigussaasunik saqqummiussaqaarnissaat, taamaalilluni nunaqarfiit innuttaasunut kiffartuussinissamut periarfissaqartinneqarnerat pisariaqartoq qulakkeerneqarniassammat?**

(Inatsisartunut ilaasortaq Anders Olsen, Siumut)

Tunngavilersuut:

Innuttaasut ullut tamaasa isumagineqarnissaat kiffartuunneqarnissaallu qulakkeerniarlugit, ATV-t nunaqarfinni arlalinni angallatigineqarsinnaasut kisiartaraat. ATV-t atunngikkaanni imermik pilersuineq, orsussamik assartuineq allatigullu pisariaqartumik isumagisassat isumagineqarsinnaanngillat. Taamaakkaluartoq inatsisit maannakkut atuuttut naapertorlugit piumasqaqarput, ATV-mik atuissagaanni biilertarnermut allagartaqarnissaq piumasqaataasoq – aamma nunaqarfinni aqquserngit “aqqusiniviunngitsut” atuukkalarpataluunniit, aamma biilertarnermut allagartamik pisiniarnissaq ajornakusoorpoq akisullunilu.



Tamanna imaanaangitsutigut akornusersuivoq: ATV-t atussallugit periarfissaagaluarpataluunniit atorpeqarsinnaanngillat, soorlu utoqqaat allatulluunniit innuttaasunut pisariaqartitanik naammassinninnissamut, tassami biilertarnermut allagartaqartunik sulisussarsiorneq ajornakusoorpoq. Kingunerisaanik nunaqarfinni kiffartuussinerup qaffasissusia appariartorpoq, innuttaasut utaqqisariaqartarlutik imaluunniit periarfissaqanngitsutut misigisarlutik.

Suliaq uani saqqummiunneqartoq nutaajunngilaq. Inatsisartunut aamma innuttaasut akornanni ilisimatitsissutitut arlaleriarlutik saqqummiunneqartuartarsimavoq, ilaallu assersuusiarissagaani makkuupput:

- 2017-imiilli ATV-t atorlugit angallassinerni / assartuinnermi biilertarnermut allagartaqartariaqarneq apeqqutigineqarpoq.
- 2020-mi Kalaallit Nunaata Danmarkillu akornanni attaveqaqatigiinnermut ataatsimiititaliaq pilersinneqarpoq.
- 2023-mi Naalakkersuisut nalunaaruteqarput ataatsimiititaliaq aalajangersimasunik innersuussuteqartoq.
- 2025-imi suliaq pillugu § 37-i aqqutigalugu apeqquteqaqqittoqarpoq.

Naak suliamut tassunga atatillugu sivisuumik oqallinneq ingerlanneqaraluartoq aamma Naalakkersuisut nikerartut arlaleriarlutik neriorsuuteqartarsimagaluartut, sulii aaqqiissutissanik tigussaasunik saqqummiussisoqarsimanngilaq. Tamanna innuttaasut akornatsinni unerisimanngitsitsivoq, aamma ajornartorsiut erseqqilluinnartoq uninngatiinnarneqarpoq, nunaqarfiit ineriartornissaanut akornutaasumik aamma innuttaasut atugassarisaanut akornutaasumik.

Apeqqutigineqartut ullut suliffiusut qulit iluanni akeqquneqarput.